




Cymun Bendigaid ar Gân
Gŵyl Diolchgarwch am y Cynhaeaf
3 Hydref 2021 am 9.15am




Cadeirlan
Deiniol Sant
ym Mangor

Saint Deiniol's
Cathedral
in Bangor



*Croeso i
Gadeirlan
Deiniol Sant
ym Mangor.*

*Welcome to
Saint
Deiniol's
Cathedral in
Bangor.*



Rydych chi'n sefyll rwan lle
safodd Deiniol bron i fileniwm a
hanner yn ôl.

Yma, yn y flwyddyn 525, bu iddo
gynnull o'i gwmpas gymuned lawn
ffydd, gobaith a chariad, gan godi
o'i chwmpas ffens gyll—y **bangor**
gwreiddiol—iddi'n gysgod ac yn
noddfa.

Ein gweddi yw y cewch chwithau,
hefyd, eich cofleidio yma gan
yr un ffydd, gobaith a chariad a
gyhoeddir gennym heddiw ac
sy'n ein cyfareddu o hyd.

You stand now where Deiniol
stood almost a millennium and a
half ago.

Here, in the year 525, he gath-
ered around him a community of
faith, hope and love, and raised
around it a hazel fence—the
original **bangor**—for shelter and
sanctuary.

Our prayer is that you, too, will
be embraced here by the same
faith, hope and love that we pro-
claim and live by today.

Addoli gyda ni heddiw

Mae'r llyfryn hwn yn cynnwys popeth a ddywedir ac a genir yn ystod ein haddoliad heddiw. Fe'ch gwahoddir i fynd â'r llyfryn adref gyda chi, i fyfyrion yn eich amser eich hun ar y geiriau sanctaidd sydd ynddo. Fodd bynnag, nid darllen neu arsylwi ydi addoli – ond gweithgaredd, a ninnau'n cymryd rhan, ochr yn ochr â'r rhai sy'n cynnull gyda ni ac, y tu hwnt i hynny, ochr yn ochr â llu'r nef i gyd. Dyrchefwch, felly, eich llygaid; sylwch ar liw, golau, sain, symudiad a harddwch; codwch eich llais; cyfrwnogwch yn yr hyn a fydd yn eich gweddnewid, o roi iddo'r cyfle.

Yn ystod ein haddoliad, rydyn ni'n dweud ac yn canu gyda'n gilydd y testun **mewn teip trwm**. Darperir cyfieithiadau o ieithoedd tramor. Mae croeso ichi wneud arwydd o'r Groes pan fydd y geiriau wedi'u marcio ag ✠. Cynigir cyfarwyddiadau eraill (rhuddellau) **mewn teip coch**; os ydych chi'n ei chael hi'n fwy cyfforddus, eisteddwch yn hytrach na sefyll neu benlinio.

Rhagofalon Cofid

Mae'n ofyniad cyfreithiol gwisgo gorchudd wyneb. Mae'r gofyniad yn gymwys i bawb 11 oed a throsodd onibai bod gennych reswm.

Rydyn ni wrth ein bodd bod pawb bellach yn cael canu, ond gofynnir i bawb heblaw'r Côr ganu y tu ôl i'w gorchudd wyneb.

Fe'ch gwahoddir i ddarparu manylion Profi Orlhain Amddiffyn. Ceir codau QR ger y drysau.

Byddwch yn ystyriol a pharchus tuag at eraill, gan gadw pellter priodol. Mae'r seddi yn yr eiliau yn cynnig mwy o le i ymbellhau.

Plant a theuluoedd ifanc

Ceir gweithgareddau a chreffftau yn ystod y Cymun Bendigaid ar Gân bob dydd Sul yng Nghapel Mair, ar gyfer unrhyw blant hyd at 11 oed. Mae'r crefftau a'r gweithgareddau yn amrywiol, gydag o leiaf un yn ymwneud â thema'r Cymun ei hun. Caiff y gofod hwn yn cael ei staffio gan oedolion cyfrifol, a bydd plant dros 5 oed yn gallu mynd a dod. Bydd plant yn parhau i fod yn gyfrifoldeb eu rhieni neu eu gwarcheidwaid bob amser. Yn y lle cyntaf, dylai plant sy'n 4 oed ac iau fod yng nghwmni rhiant neu warcheidwad oni bai bod trefniant ymlaen llaw gyda'r rhai ar ddyletswydd wedi'i wneud.

Diogelu

Mae diogelu plant ac oedolion sydd mewn perygl yn hanfodol, ac rydym wedi ymrwymo i feithrin amgylchedd lle mae pawb yn gallu addoli a chymryd rhan ym mywyd Cadeirlan Deiniol Sant yn ddiogel. Os oes gennych unrhyw bryderon, codwch nhw ar unwaith gydag aelod o dîm y Gadeirlan.

Hygyrchedd

Mae dolen glyw ar waith – gosodwch gymhorthion clyw i'r lleoliad T.

Mae copïau print bras o'r llyfryn hwn ar gael gan y stiwardiaid.

Mae tai bach ym mhen dwyreiniol y Gadeirlan, trwy'r drws i'r chwith o'r sgrin y Cwîr.

Os bydd angen i ni adael y Gadeirlan mewn argyfwng, arhoswch ar eich heistedd a dilynwch gyfarwyddiadau'r stiwardiaid.

Hysbys wythnosol

Llyfryn Hydref 2021

Mynnwch gopi o'r llyfryn **Hydref 2021**, sy'n cynnwys llythyr oddi wrth yr Is-Ddeon, cynlluniau am y misoedd nesaf, apeliadau am gymorth, ac amlinellad o'n defodau tan Wyl Crist y Brenin. Ewch â chopïau sbar i'ch ffrindiau.

Ar y Sul

O heddiw tan ddiwedd Tachwedd, bydd ein patrwm addoli yng Nghadeirlan Deiniol Sant yn cynnwys dathliad o'r Holy Eucharist am 8.15am (gwasanaeth Saesneg), dathliad o'r Cymun Bendigaid ar Gân am 9.15am (yn llawen, yn lliwgar ac yn gerddorol yng Nghorff yr Eglwys; gwasanaeth Cymraeg), a dathliad o'r Choral Holy Eucharist am 11am (eto, yn llawen, yn lliwgar ac yng Nghorff yr Eglwys; gwasanaeth Saesneg). Caiff paned ei weini rhwng y Cymun 9.15am ac 11am – gyda gwahoddiad i aros ar ôl y Cymun 9.15am, neu ddod yn gynnar ar gyfer y Cymun 11am; bydd diodydd oer yn cael eu gweini ar ôl y Cymun 11am.

O bob cwr o Fangor

Nid ydym yn ail-ddechrau addoli ar y Sul yn Eglwys y Groes, Maesgeirchen ac Eglwys San Pedr, Penrhosgarnedd ar hyn o bryd. Mae croeso cynnes o waelod calon i aelodau cynulleidfaoedd Eglwys y Groes ac Eglwys San Pedr i'n gwasanaethau yn y Gadeirlan.

Gwedd newydd

Fe sylwch ein bod wedi dechrau defnyddio delwedd newydd ar gyfer y Gadeirlan a Bro Deiniol – gyda diolch i Carwyn Lloyd Jones o gwmni dylunio Hoffi. Mae'r ddwelwedd newydd wedi ei gwreiddio yn y ffens gyll a adeiladodd Deiniol yma, yn gysgod ac yn noddfa. Da yw cael delwedd newydd a chyfoes, ond â'i thraed yn ein hanes hefyd.

Yr wythnos ddiwethaf yn y Gadeirlan

Bu'n wythnos brysur ers fore Sul diwethaf.

Roedd yn braf croesawu cynifer o bob cwr o'r esgobaeth a thu hwn i'r Gosber a'r Sefydлу nos Sul diwethaf. Da oedd cael canu'n gynulleidfaol am y tro cyntaf, a da oedd cael canu corawl mor gywrain, a'r geiriau cyntaf ar gân yn weriglau yn Gymraeg. Mae'n diolch yn fawr i bawb a gyfrannodd more hael o'u hamser i sicrhau addoliad safonol a chroeso cynnes.

Mae'r faner o liwiau newydd wedi parhau i hedfan o ben Tŵr Skeffington. Diolchwn i'n Clochudd, John, am ei waith yn yr uchelfannau.

Bu Gerwyn o Pianos Cymru yma ddydd Gwener yn tiwinio'r pianos yng Nghorff yr Eglwys ac yn yr Ysgol Gân.

Yn ein gweddïau

Yn glâf Lis Perkins

A fu farw Virginia Johnstone

Gŵyl goffa Margaret Thrall, offeiriad

Os hoffech inni gofio unrhywun yn ein gweddïau, cysylltwch ag aelod o dîm y Gadeirlan.

Cefnogaeth

C aiff y fangre sanctaidd hon llawn ffydd, gobaith a chariad, a phopeth sy'n digwydd yma, ei chynnal gan eich haelioni chi. I roi rhodd ar-lein ar eich ffôn heddiw, sganiwch y cod QR isod. I sefydlu rhodd Debyd Uniongyrchol misol, gyda'r opsiwn i ychwanegu Cymorth Rhodd, chwiliwch ar-lein am "Eglwys yng Nghymru Rhoi yn Syth" a dewis "Bro Deiniol" o dan "Buddiolwr". Mae basged i gasglu rhoddion yng nghefn Corff yr Eglwys fore heddiw. Trwy roi rhodd, byddwch yn ein helpu i barhau â'n gwaith hanfodol.

Atgyweirio hanfodol

Dros y misoedd i ddod, rydym yn wynebu costau atgyweirio sylweddol iawn. Bydd angen i ni wario £22,000 ar waith iechyd a diogelwch brys – disodli rhai gwifrau trydanol hynafol, gosod mân daclau golau newydd, a diogelu'r adeilad gyda system canfod tân. Bydd angen i ni hefyd wario £18,000 ychwanegol ar waith strwythurol a gwaith adfer – gan atal treiddiad dŵr niweidiol pellach yn Nhŵr Skeffington a Thŵr Scott, ailaddurno wal yr eil ddeheuol, ac ail-baentio wynebâu'r cloc a drysau'r Gadeirlan. Bydd yr atgyweiriadau hyn yn paratoui'r ffordd ar gyfer prosiect mwy i warchod ac adnewyddu Cadeirlan Deiniol Sant wrth inni baratoi i dathlu ein penblwydd yn fileniwm a hanner maes o law. Os gallwch chi helpu gyda rhodd arbennig, waeth pa mor fawr neu fach, siaradwch ag aelod o dîm y Gadeirlan.


Cymun

Yn y Cymun hwn byddwn yn cwrrd â'r Crist bythol atgyfodedig mewn bara a gwin, ei Gorff a'i Waed ef yn ein plith. Wrth inni ymgynnull, byddwn yn paratoi ein hunain i gwrdd â Christ trwy gyfaddef ein pechodau – y ffyrdd yr ydym wedi galaru Duw yn ein bywydau yr wythnos ddiwethaf hon – ac yn derbyn gollyngdod, sef sicrwydd o faddeuant Duw. Yna rydyn ni'n gwrandao ar ddarlleniadau o'r Beibl, gan ganged yno arweiniad, her, cysur a newyddi da gan Dduw. Ymatebwn trwy gyhoeddi ein ffydd yn y Drindod Sanctaidd a chynnig i Dduw ein gweddi dros bawb mewn angen. Wrth galon ein haddoliad heddiw, byddwn yn cymryd bara a gwin, byddwn yn gofyn am fendith gweddnewidiol Duw arnynt, yn torri'r bara, ac – fel aelodau o Gorff toredig, trwsiedig Crist – byddwn yn Cymuno. Daw ein haddoliad i ben wrth inni dderbyn bendith Duw, yn gynhaliaeth inni wrth ymadael. Waeth pa mor bell yn ôl y gwnaethoch hynny ddiwethaf, mae croeso i chi Gymuno ama heddiw. Os hoffech chi Gymuno am y tro cyntaf, neu gael eich Bedyddio, siaradwch ag aelod o dîm yr Gadeirlan. Ceir ffydd, gobaith a chariad yma i bawb.

Bydd addolwyr rheolaidd yn sylwi ar rai newidiadau heddiw – i rai o'n geiriau, gweithredoedd a defodau. Byddai'n rhyfedd pe na bai hyn yn gwneud inni deimlô'n anghyfforddus ar brydiau. Gadewch inni fod yn amyneddgar gyda'n gilydd, gan ganiatáu i'n hunain ddod yn gyfarwydd â phethau newydd, a gynigir â gofal, cyn inni ddod i fyfyrlo arnynt.



Trefn y gwasanaeth



Rhagarweiniad ar yr organ

Sursum Corda (Dyrchefwch eich calonau), John Ireland (1879-1962)

Wedi'r hysbysiadau, codwn ar ein traed ar ganiad y gloch



Cynnull

Emyn



Mola di'r Arglwydd,
sy'n Frenin gogoniant a mawredd:
clod i'r Goruchaf,
a ddyry i'm henaid orfoledd:
tyred â'th gân,
salmau, telynau yn lân
seinier ei fawl yn ddiddiwedd.



**Mola di'r Arglwydd,
Penllywydd rhyfeddol pedryfan:
noddfa dragwyddol ei adain
sydd drosot yn llydan:
cadarn yw'r lôr,
ynddo i'th gynnal mae stôr,
amlwg i'th olwg yw'r cyfan.**

**Mola di'r Arglwydd,
bendithia dy ran yn dragywydd:
tywallt o'r nefoedd mae ffrydiau
y cariad ni dderfydd:
enaïd, erglyw!
gymaint yw gallu dy Dduw,
cariad hyd fyth a'th gyferfydd.**

**Mola di'r Arglwydd,
a'r cwbwl sydd ynof yn ennyn:
ef yw goleuni dy enaïd
bob dydd sy'n dy ddilyn:
holl lwythau'r byd,
cenwch yn llafar ynghyd:
moler hyd oesoedd diderfyn!**

Geiriau

Joachim Neander (1650-1680)

Cyfieithiad

J. D. Vernon Lewis (1879-1970)

Cerddoriaeth | "Lobe den Herren"

o'r Stralsund Gesangbuch (1665)

Parhawn ar ein traed tan ddiwedd y Weddi Gasgl

Cyfarchiad

✠ Yn enw'r Tad, a'r Mab, a'r Ysbryd Glân.
Amen.

Gras a thangnefedd a fo gyda chwi.
A'th gadw di yng nghariad Crist.

A meddai'r Bythol Dduw wrth Noa, "Tra pery'r ddaear, ni pheidia pryd hau a medi, oerni a gwres, haf a gaeaf, dydd a nos."

Cyffes

Gan gynnull i ddathlu'r Cymun Bendigaid er gogoniant i Dduw ac mewn diolchgarwch am y cynhaeaf, ymbaratown gan gyffesu ein pechodau,

ni a fethodd â byw yn syml; ni fu'n esgeulus o'n cymydog;
ni sy'n camddefnyddio creadigaeth Duw roddwyd i'n gofal.

Cyd-weddiwn.

**Dad nefol,
yr ydym wedi pechu ar feddwl, gair a gweithred,
a heb wneud yr hyn a ddylem.**

**Mae'n wir ddrwg gennym,
ac yr ydym o ddifrif yn edifarhau.
Er mwyn dy Fab Iesu Grist a fu farw drosom,
maddeua inni'r cwbl a aeth heibio
ac arwain ni yn ei ffordd ef
i gerdded fel plant y goleuni.
Amen.**

Yr hollalluog Dduw a drugarhao wrthych,
✠ maddau ichwi a'ch rhyddhau o bechod,
a'ch cadw yn y bywyd tragwyddol.

Amen.

Kyrie eleison

Kyrie eleison. Christe eleison. Kyrie eleison.

Arglwydd, trugarha. Crist, trugarha.

Cerddoriaeth

Gwasanaeth Cymun yn Ffwyaf, Harold Darke (1888-1976)

Gweddi Gasgl

Gweddiwn.

Hollalluog a thragwyddol Dduw, sy'n coroni'r flwyddyn â'th ddaioni, ac yn rhoddi inni ffrwythau'r ddaear yn eu tymor: dyro i ni galonnau diolchgar, fel y defnyddiwn dy roddion yn unol â'th ewyllys; trwy Iesu Grist ein Gwaredwr.

Amen.

Eisteddwn

Gair

Salmyddiaeth



Cana'r Cor

Y Llawen-floeddiwch i'r Goruchaf,
holl eithafion daear lawr.

Ymatebwn

**R Llawen-floeddiwch i'r Goruchaf,
holl eithafion daear lawr.**

Llawen-floeddiwch i'r Goruchaf, holl eithafion daear lawr.
Bloeddiwch mewn gorfoledd i Dduw, yr holl ddaear;
canwch i ogoniant Duw; rhowch foliant gogoneddus.

**R Llawen-floeddiwch i'r Goruchaf,
holl eithafion daear lawr.**

Dywedwch wrth Dduw, "Mor ofnadwy yw dy weithredoedd!
Gan faint dy nerth ymgreinia dy elynion o'th flaen;
y mae'r holl ddaear yn ymgrymu o'th flaen, ac yn canu mawl i ti,
yn canu mawl i'th enw."

**R Llawen-floeddiwch i'r Goruchaf,
holl eithafion daear lawr.**

Gwaeddais ar Dduw â'm genau, ac yr oedd moliant ar fy nhafod.
Gwrandawodd Duw, a rhoes sylw i lef fy ngweddi.
Bendigedig fyddo Duw am na throdd ymaith fy ngweddi,
na'i ffyddlondeb oddi wrthyf.

**R Llawen-floeddiwch i'r Goruchaf,
holl eithafion daear lawr.**

Salm 66:1-4, 17, 19, 20
Cerddoriaeth
Joe Cooper

Darllenriad

Darllenriad o lyfr Genesis.

Yn y dyddiau hynny: Arhosodd Noa saith diwrnod cyn anfon allan y golomen drachefn; ac ni ddaeth yn ôl ato y tro hwn. Yn y flwyddyn chwe chant ac un o oed Noa, yn y mis cyntaf, ar y dydd cyntaf o'r mis, sychodd y dyfroedd oddi ar y ddaear; a symudodd Noa gaeaf yr arch, a phan edrychodd allan, gwelodd wyneb y tir yn sychu. Erbyn yr ail fis, ar y seithfed dydd ar hugain o'r mis, yr oedd y ddaear wedi sychu. Yna llefarodd Duw wrth Noa, a dweud, "Dos allan o'r arch, ti a'th wraig a'th feibion a gwragedd dy feibion gyda thi; a dwg allan gyda thi bob creadur byw o bob cnawd, yn adar ac anifeiliaid a phopeth sy'n ymlusgo ar y ddaear, er mwyn iddynt epilio ar y ddaear, a ffrwytho ac amlhau ynddi." Felly aeth Noa allan gyda'i feibion a'i wraig a gwragedd ei feibion; hefyd aeth allan o'r arch bob bwystfil, pob ymlusgiad, pob aderyn a phob peth sy'n ymlusgo ar y ddaear, yn ôl eu rhywogaeth. Yna adeiladodd Noa allor i Dduw, a chymryd rhai o bob math o'r anifeiliaid glân ac o'r adar glân, ac offrymu poethoffrymau ar yr allor. A phan glywodd y Bythol Dduw yr arogl hyfryd, dywedodd o waelon calon, "Ni felltithiaf y ddaear mwyach o achos dyn, er bod gogwydd ei feddwl yn ddrwg o'i ieuenctid; ni ddifethaf eto bopeth byw fel y gwneuthum. Tra pery'r ddaear, ni pheidia pryd hau a medi, oerni a gwres, haf a gaeaf, dydd a nos."

Gwrandewch ar air yr Ysbryd i'r Eglwys.

Diolch a fo i Dduw.

Genesis 8:12-22

Codwn ar ein traed

Efengyl



Myfi yw'r winwydden; chwi yw'r canghennau. Y mae'r sawl sydd yn aros ynof fi, a minnau ynddo yntau, yn dwyn llawer o ffrwyth.

R Halelwia. Halelwia. Halelwia.

Gras a thangnefedd a fo gyda chwi.

A'th gadw di yng nghariad Crist.

Gwrandewch yr Efengyl Sanctaidd yn ôl ✠ Sant Ioan.

Gogoniant i ti, O Grist.

Bryd hynny: Meddai Iesu wrth ei ddisgyblion, "Myfi yw'r wir winwydden, a'm Tad yw'r gwinllannwr. Y mae ef yn torri i ffwrdd bob cangen ynof fi nad yw'n dwyn ffrwyth, ac yn glanhau pob un sydd yn dwyn ffrwyth, er mwyn iddi ddwyn mwy o ffrwyth. Yr ydych chwi eisoes yn lân trwy'r gair yr wyf wedi ei lefaru wrthyhch. Arhoswch ynof fi, a minnau ynoch chwi. Ni all y gangen ddwyn ffrwyth ohoni ei hun, heb iddi aros yn y winwydden; ac felly'n union ni allwch chwithau heb i chwi aros ynof fi. Myfi yw'r winwydden; chwi yw'r canghennau. Y mae'r sawl sydd yn aros ynof fi, a minnau ynddo yntau, yn dwyn llawer o ffrwyth, oherwydd ar wahân i mi ni allwch wneud dim. Os cadwch fy ngorchmynion fe arhoswch yn fy nghariad, yn union fel yr wyf fi wedi cadw gorchmynion fy Nhad, ac yr wyf yn aros yn ei gariad ef. Yr wyf wedi dweud hyn wrthyhch er mwyn i'm llawenydd i fod ynoch, ac i'ch llawenydd chwi fod yn gyflawn. Dyma fy ngorchymyn i: carwch eich gilydd fel y cerais i chwi. Iid oes gan neb gariad mwy na hyn, sef bod rhywun yn rhoi ei einioes dros ei gyfeillion. Yr ydych chwi'n gyfeillion i mi os gwnewch yr hyn yr wyf fi'n ei orchymyn ichwi. Nid wyf mwyach yn eich galw yn weision, oherwydd nid yw'r gwas yn gwybod beth y mae ei feistr yn ei wneud. Yr wyf wedi eich galw yn gyfeillion, oherwydd yr wyf wedi gwneud yn hysbys i chwi bob peth a glywais gan fy Nhad. Nid chwi a'm dewisodd i, ond myfi a'ch dewisodd chwi, a'ch penodi i fynd allan a dwyn ffrwyth, ffrwyth sy'n aros. Ac yna, fe rydd y Tad i chwi beth bynnag a ofynnwch ganddo yn fy enw i. Dyma'r gorchymyn yr wyf yn ei roi i chwi: carwch eich gilydd."

Ioan 15:1-5, 10-17

Dyma Efengyl ein Gwaredwr.

Moliant i ti, O Grist.

Eisteddwn ar gychwyn y bregeth

Pregeth

Yr Is-Ddeon

Ar derfyn y bregeth, codwn ar ein traed

Credo

Ar y cyd, gadewch inni gadarnhau ein ffydd.

**Yr wyf yn credu ac yn ymddiried yn Nuw Dad,
a greodd bopeth sydd.**

**Yr wyf yn credu ac yn ymddiried yn ei Fab Iesu Grist,
a brynodd ddynolryw.**

**Yr wyf yn credu ac yn ymddiried yn ei Ysbryd Glân,
sy'n rhoi bywyd i bobl Dduw.**

**Yr wyf yn credu ac yn ymddiried yn un Duw,
Dad, Mab ac Ysbryd Glân.
Amen.**

Ymbiliau

Gyda'n holl galon a'n holl feddwl gweddiwn ar Dduw.

Eisteddwn neu benliniwn

Defnyddiwn yr ymateb

Y O Dduw, yn dy drugaredd,
R **Gwrando ein gweddi.**

Ar y terfyn ymatebwn

Dad trugarog,
**Derbyn y gweddiâu hyn
er mwyn dy Fab, ein Gwaredwr Iesu Grist.
Amen.**

Codwn ar ein traed

Cymun

Emyn



Pob peth, ymhell ac agos,
sy'n dangos Duw i'r byd,
ei enw sydd yn aros
ar waith ei law i gyd;
efe a wnaeth y seren
yn ddisglair yn y nen,
efe a wnaeth y ddeilen
yn wyrddlas ar y pren.

Ar ei drugareddau
yr ydym oll yn byw;
gan hynny dewch a llawenhewch,
cans da yw Duw.

Mae'r nefoedd a'i chymylau
o dan ei gadarn law,
mae'n rhoddi'r heulwen olau,
mae'n rhoddi gwlith a glaw;
mae gwyntoedd oer y gaeaf
yn ufudd iddo ef,
ac ni ddaw un cynhaeaf
ond drwy ragluniaeth nef.

Mae'n newid ei fendithion
i gwrdd ag angen dyn;
mae'n ddoeth ymhob dibenion,
erioed ni fethodd un;
ein bara sydd bob bore
yn dod o'i ddwylo ef,
a chynnal ein heneidiau
wna byth â bara'r nef.

Geiriau
Elfed (1860-1953)
Cerddoriaeth | "Cynhaeaf"
J. A. P. Schulz (1747-1800)

Parhawn ar ein traed tan y rhannwn y Tangnefedd

Offrwm

Deuwn i'r fangre hon â'r bara sy'n gynhaliaeth.
Fe ddaw inni'n fara'r bywyd.

Deuwn i'r fangre hon â'r gwin sy'n mwyneiddio.
Fe ddaw inni'n waed einioes y byd.

Gweddï Ewcharistaidd

Gras a thangnefedd a fo gyda chwi.
A'th gadw di yng nghariad Crist.

Dyrchefwch eich calonnau.
Yr ydym yn eu dyrchafu at yr Arglwydd.

Diolchwn i'r Arglwydd ein Duw.
lawn yw rhoi ein diolch a'n clod.

lawn yn wir, ein dyletswydd a'n llawenydd bob amser ac ym mhob lle, yw diolch i ti, Dad Sanctaidd, hollalluog a bythfywiol Dduw, trwy Iesu Grist ein Harglwydd.

Sydd trwy ei angau ei hun wedi dinistrio angau, a thrwy ei atgyfodiad i fywyd wedi adfer i ni fywyd tragwyddol.

Felly, gyda llu'r angylion a holl gwmpeini'r nef, cyhoeddwn ogoniant dy enw ac ymuno â hwy yn eu hemyn diderfyn o fawl:

Sanctaidd, sanctaidd, sanctaidd Arglwydd, Duw gallu a nerth, nef a daear sy'n llawn o'th ogoniant. Hosanna yn y goruchaf.

✠ Bendigedig yw'r hwn sy'n dyfod yn enw'r Arglwydd. Hosanna yn y goruchaf.

Cerddoriaeth
Cymun y Cymry ii, John Harper

Pob moliant a diolch i ti, y gwir a'r bywiol Dduw, Crëwr pob peth, Rhoddwr bywyd. Lluniaist ni ar dy ddelw dy hun, ond yr ydym ni wedi difwyno'r ddelw honno a syrthio'n brin o'th ogoniant. Rhoddwn ddiolch i ti am anfon dy Fab i rannu ein bywyd ni; fe'i hildiaist i farwolaeth fel y câi'r byd ei achub, a'i atgyfodi oddi wrth y meirw fel y bo i ni fyw ynddo ef, ac yntau ynom ninnau.

Sancteiddia â'th Ysbryd y bara hwn a'r gwin hwn, dy roddion inni, fel y bônt i ni yn gorff a gwaed ein Hiachawdwr, Iesu Grist.

Y nos y bradychwyd ef, cymerodd fara ac, wedi rhoi diolch, fe'i torrodd a'i roi i'w ddisgyblion, gan ddweud, Cymerwch, bwyteu; hwn yw fy nghorff a roddir drosoch: gwnewch hyn er cof amdanaf. ✠

Yr un modd ar ôl swper cymerodd y cwpan, ac, wedi rhoi diolch, fe'i rhoddodd iddynt, gan ddweud, Yfwch o hwn bawb, oherwydd hwn yw fy ngwaed o'r cyfamod newydd a dywelltir drosoch a thros lawer er maddeuant pechodau: gwnewch hyn bob tro yr yfwch ef er cof amdanaf. ✠

Gadewch inni gyhoeddi dirgeledd y ffydd:

Bu farw Crist.
Atgyfododd Crist.
Daw Crist mewn gogoniant.

Fel y gorchmynnodd ef inni, O Dad, yr ydym yn cofio Iesu Grist, dy Fab. Gan gyhoeddi ei farwolaeth fuddugoliaethus, a chan ymlawenhau yn ei atgyfodiad, a disgwyl iddo ddod mewn gogoniant, deawn â'r bara hwn a'r cwpan hwn i ti. Derbyn ein haberth o ddiolch a moliant.

Adfer ac adfywia dy holl bobl, adnewyddu ni a phawb y gweddiwn trostynt â'th ras a'th ✠ fendith nefol a derbyn ni yn y diwedd gyda'th holl saint i'r llawenydd diderfyn hwnnw a addawyd inni gan dy Fab, ein Harglwydd Iesu Grist.

Trwyddo ef, gydag ef, ynddo ef, yn undod yr Ysbryd Glân, eiddot ti, Dad hollalluog, yw pob anrhydedd a gogoniant, yn oes oesoedd.

✠ **Amen.**

Parhawn ar ein traed

Gweddi'r Arglwydd

Fel y dysgodd ein Hiachawdwr ni, gweddiwn yn hyderus:

Ein Tad, yr hwn wyt yn y nefoedd, sancteiddier dy enw, deled dy deyrnas, gwneler dy ewyllys; megis yn y nef, felly ar y ddaear hefyd. Dyro i ni heddiw ein bara beunyddiol a maddau i ni ein dyledion, fel y maddeuwn ninnau i'n dyledwyr. Ac nac arwain ni i brofedigaeth; eithr gwared ni rhag drwg. Canys eiddot ti yw'r deyrnas, a'r gallu, a'r gogoniant, yn oes oesoedd. **Amen.**

Tangnefedd

Fel y daw'r gwenith sy'n wasgar yn y meysydd yn un bara, geilw ynghyd dy bobl i fod yn un gymdeithas fawr ger dy fron; dy gorff torredig yn gyflawn mewn tangnefedd.

Tangnefedd y Bythol Dduw a fo gyda chwi bob amser.

A'th gadw di yng nghariad Crist.

Rhannwn arwydd o Dangnefedd; yna penliniwn neu eisteddwn

Torri

Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: dyro inni dangnefedd.

Cerddoriaeth

Cymun y Cymry ii, John Harper

Cymuno

✠ Iesu yw Oen Duw sy'n dwyn ymaith bechodau'r byd.
Gwyn eu byd y rhai a elwir i'w swper.

**Waredwr, nid wyf yn deilwng i'th dderbyn,
ond dywed y gair a chaf fy iacháu.**

Deuwn i Gymuno

Anthem

Cana'r Côr

Mawr yw y wyrth; y mae rhin
i'r enaid yn y rhannu cyfrin;
briwiau ei gorff yw'r bara a'r gwin
a roed mor anghyffredin.

Hon yw'r rhodd inni a roddwyd;
o'r cnawd hwn daw'r cnwd hael gynaeafwyd;
gwaed yr archoll a gollwyd,
Brenin y boen, bara ein bwyd.

Diolch a wnawn yn dawel
am ein rhan, yma'n rhinwedd dirgel:
y dorth, y gwaed, y wyrth gêl;
yn y naws, plygwn yn isel.

Gwnewch hyn er cof, dyna'r cofio
yn falm ar fwrdd y cymuno;
yn y wledd rhown fawl iddo,
trwy ei waed cawn fywyd dro.

Geiriau

Jâms Niclas (1928-2013)

Cerddoriaeth | "Troyte"

Arthur Henry Dyke Troyte (1811-1857)

Ar ôl i bawb Gymuno, safwn i ganu'r emyn



Tydi a wnaeth y wyrth, O Grist, Fab Duw,
 tydi a roddaist imi flas ar fyw:
 fe gydiaist ynof drwy dy Ysbryd Glân,
 ni allaf tra bwyf byw ond canu'r gân;
 'rwyf heddiw'n gweld yr harddwch sy'n parhau,
 'rwy'n teimlo'r ddwyfol ias sy'n bywiocáu;
 mae'r Haleliwia yn fy enaid i,
 a rhoddaf, Iesu, fy mawrhad i ti.

Tydi yw haul fy nydd, O Grist y groes,
 yr wyt yn harddu holl orwelion f'oes;
 lle'r oedd cysgodion nos mae llif y wawr,
 lle'r oeddwn gynt yn ddall 'rwy'n gweld yn awr;
 mae golau imi yn dy Berson hael,
 penllanw fy ngorfoledd yw dy gael;
 mae'r Haleliwia yn fy enaid i,
 a rhoddaf, Iesu, fy mawrhad i ti.

Tydi sy'n haeddu'r clod, ddihalog Un
mae ystyr bywyd ynot ti dy hun;
yr wyt yn llanw'r gwacter drwy dy air,
daw'r pell yn agos ynot, O Fab Mair;
mae melodïau'r cread er dy fwyn,
mi welaf dy ogoniant ar bob twyn;
mae'r Haleliwia yn fy enaid i,
a rhoddaf, Iesu, fy mawrhad i ti.

Geiriau

W. Rhys Nicholas (1914-1996)

Cerddoriaeth | "Pant-y-fedwen"

M. Eddie Evans (1890-1984)

Parhawn ar ein traed

Gweddi ôl-Gymun

Cyd-weddiwn.

Yr hyn a gymerasom â'n genau,
Dyro i ni' dderbyn â chalon lân;

Ac o fod yn rhodd dymhorol,
Boed i ni'n feddyginiaeth dragwyddol.

Ymadael

Gras a thangnefedd a fo gyda chwi.

A'th gadw di yng nghariad Crist.

Bendith Duw hollalluog, y Tad, ✠ y Mab, a'r Ysbryd Glân
a fo yn eich plith ac a drigo gyda chwi yn wastad.

Amen.

Ewch yn nhangnefedd Crist.


Diolch a fo i Dduw.

Parhawn ar ein traed hyd nes i'r gweinidogion ymadael

Mae croeso cynnes i chi aros am baned yng nghefn Corff yr Eglwys

Offrymddarn ar yr organ

Ymdeithgan, Grayston Ives



Cynaliadwyedd a chaniatâd

Rydym yn defnyddio papur bioddiraddadwy, teneuach na'r arfer, wedi'i wneud o goedwigoedd adnewyddadwy wedi'u plannu, sy'n storio carbon.

Mae ein gwasanaethau'n cael eu ffrydio ar Facebook o gamera ym mhen dwyreiniol corff yr eglwys sy'n wynebu'r dwyrain, ac mae'r recordiad ar gael wedi hynny ar dudalen Facebook y Gadeirlan. Efallai y bydd ffotograffydd swyddogol ar ddyletswydd. Mae eich presenoldeb yn gyfystyr â'ch caniatâd i gael eich cynnwys mewn unrhyw ffilmio, tynnu lluniau, recordio sain neu ddarlledu. Os nad ydych am i ffotograff ohonoch chi neu blentyn yn eich gofal gael ei ddefnyddio gan y Gadeirlan, siaradwch ag aelod o dîm y Gadeirlan.

Atgynhyrchir deunydd yn y drefn hon o wasanaeth o dan CLL 280874. Mae'r gwasanaeth hwn yn cynnwys rhannau o'r **Drefn ar gyfer y Cymun Bendigaidd 2004** hawlfraint © Gwasg yr Eglwys yng Nghymru 2004 Mae'r llithoedd a'r salmyddiaeth Gymraeg yn seiliedig ar **The New Revised Standard Version of the Bible** ac **Y Beibl Cymraeg Newydd: Argraffiad Diwygiedig**. Daw'r cytgan y salmyddiaeth Gymraeg o Nicander, **Y Psallwyr** (1850) a'r salmyddiaeth Saesneg o **The Saint Helena Breviary**.

Y darlun clawr yw **Y Cyn-filwr mewn Cae Newydd** gan Winslow Homer (1836-1910) yn Amgueddfa'r Met.